



Inatsisartunut ilaasortaq Naaja Nathanielsen
Inuit Ataqaigitt

§ 37 malillugu apeqqummut akissutit.

Inatsisartut suleriaasianni § 37 malillugu Naalakkersuisunut arlalinnik apeqquteqarsimavutit. § 37 malillugu apeqquteqarninni tunngavilersuutinni tusagassiuutitigut nalunaarut 30. november 2011 nassiuuneqarsimasoq innersuussutigaa, tassani Naalakkersuisut ilisimatitsillutik Greenland Minerals and Energy Kuannersuarni misissuinissaminut akuersissummi piumasaqaatit ilassuserneqarsimanerat akuerineqarsimasoq.

28. december 2011
Journal No. 2011-047832
Doc. No. 653851

P. O. Box 930
3900 Nuuk
Tel. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

Apeqquut 1.

September 2010-mi selskabi Greenland Minerals and Energy Kuannersuarni Assigiiaartumik piumasaqaatalimmik misissuinissaanut akuersissut ilassuserneqarpoq. November 2011-mi Greenland Minerals and Energy Kuannersuarni misissuinissaa ilassuserneqarpoq. Akuersissummut september 2010-meersumut aamma november 2011-meersumut ilassutaasut marluk sutigut assigiinngissuteqarpat?

Akissuteqaat:

Naalakkersuisut aatsitassasiornerni misissuinissanut missueqqissaarnissanullu nalinginnaasumik piumasaqaatit ilassutaat 709 – 711-mut august 2010-mi akuersissutigaa.

Ilassuteqaatit 709-711 kingunerisaannik aatsitassarsiorfiutiqatigiiffiit suliniutimik akilersinnaassusiannik misissuinissamut pisinnaatitaalerput, matumani avatangiisit sunnerneqarsinnaanerannik naliliinerit (VVM) , peqqissutsimut aammalu inuiaqatigiinnut sunniutaasinnaasut nalilersorneqarnerat piiarneqarsinnasut pinngoqqaatinik radiop qinngorneranik nalinginnaasumik qaffasinnerusumik akullit pineqarnerini.

Immikkoortoq 709-711 malillugu akuerinninneq pinngoqqaatinik radiop qinngornerinik akulinnik misissuinissamut paaanissamullu akuersissummik tunineqarnissamut pisinnaatitsissutaanngilaq.

Misissuinissamut akuersissutip nr. 2010/02 Kalaallit Nunaata Kitaata Kujataani sumiiffimmik Kuannersuit eqqaani Greenland Minerals & Energy-mut tunniunneqarsimasup allanngortinneqarnera Naalakkersuisut November 2011 akueraat. Allanngortinneqarnerani misissuinissamut akuersissummut ilassuteqaatip ilassuteqarneratigut pivoq, taamaaliornikkut piffissap akuersissuteqarfiusup iluani misissuinissamut akuersissummi aammattaaq pinngoqqaatit radiop qinngorneranik akullit ilanngunneqarlutik. Allannguut aatsitassarsiorfilioqatigiiffinnut pinngoqqaatinik radiop qinngorneranik akulinnik paaanissamut pisinnaatitsissutaanngilaq imaluunniit taakkuninnga paaanissamut akuersissummik tunineqarnissamut pisinnaatitsissutaanani.

Apeqqu 2.

Piumasaqaatini allannguutit ima paasineqassanerlutik, Greenland Minerals & Energy'p akilersinnaassusianut misissuinermini uran-ip tuniniarneqarnissaanut naatsorsuinernek imaqaassalluni?

Akissuteqaat:

Allannguut aatsitassarsiorfilioqatigiiffinnut pinngoqqaatinik radiop qinngorneranik akulinnik piiaanissamut akuersissummik tunineqarnissamut pisinnaatitsissutaanngilaq. Tamanna atuuppoq, piginnaatitsissummik pigisaqartup piarneqarsinnaasunik pinngoqqaatinik radiop qinngorneranik akulinnik piiaanissaannut aningaasarsiu-taasinnaasut sumiissusersimagaluarunigilluunniit killeqarfilersorsimagaluarunigilluunniit, tamakkulu saniatigut misissuinissamut akuersissummi matumani piumasaqaatit allassimasut eqquutsissimagaluarunigilluunniit, tamakkununga ilaallutik pinngoqqaatinik radiop qinngorneranik akulinnik piiaanissamut akilersinnaassutsimik misissuinerit ilanngullugit suliaqarsimaguni. Akuersissummik tunineqarnissamut qinnuteqartoqarsimassappat aatsitassat suut piiaanissamut pineqarnersut apeqquummik akissuteqarnissamut apeqqutaassaaq.

Apeqqu 3.

Apeqqu 2-mut akissut akuersaerneruppat: akilersinnaassusianut misissuineq uran-imik tuniniaanissaq ilanngunnagu eqqarsaatigineqarsinnaasutut naatsorsuinernek aammattaaq imaqaassava?

Akissuteqaat:

Aatsitassarsiorfiutileqatigiiffik aatsitassanik misissuinissamut akuersissummik tunineqarnermini ilanngunneqarsimasut tunngavigalugit piiaanissamut akuersissummik tunineqarnissaminut qinnuteqarsinnaavoq. Ima paasineqassalluni; akilersinnaassutsimut misissuineq aamma ilimagisatut takorluukkanik naatsorsuinernek imaqarsinnaasoq, pinngoqqaatinik radiop qinngorneranik akulinnik piiaanissamut ilaanngitsunik. Taaneqareersutut apeqqu 2-mut eqqortumik akissagaanni aatsitassat suut piiaanissamut akuersissummik qinnuteqartoqarsimappat suut ilanngunneqarsimanersut apeqqutaassaaq.

Apeqqu 4.

Uran-imik akoqarnerusumik VVM-imik misissuinissamut Greenland Minerals and Energy'p qinnuteqaataa tusarniutigineqarnikuua, taamaappallu kikkunnut?

Akissuteqaat:

Aatsitassarsiorfiutileqatigiiffik august 2010-mi akilersinnaassutsimik misissuinernek suliaqarnissamut qinnuteqarsimavoq – ilaallutik VVM aamma VSB-mik misissuinerit – nalinginnaasumik piumasaqaatini ilaatigut 709-711 malillugit. Qinnuteqaat Aatsitassanut Pisortaqaarfiup tusarniutitut nassiussuuppaa, tassani siunertarineqarluni susassaqtut assigiinngitsut oqaaseqaateqarnissamut, uparuaanissamut, inassuteqarnissamut il.il. periarfissinneqarlutik, pingaartumik siunertarineqarluni pissutsit piiaanissamut akuersissummik qinnuteqarnermut atatillugu aatsitassarsiorfiutileqatigiiffiup ilannguttassai sukumiinerusumillu misissorumaagassai. Aatsitassanut Pisortaqaarfiup tusarniaaffigisanut erseqqissaatigaa, nalinginnaasumik

piumasaqaatini 709-911 malillugit akilersinnaassutsimut misissuineramik suliaqarnissamut qinnuteqaataasoq, taamallu Aatsitassarsiorfiutileqatigiiffimmit piiiaanissamut kiisalu VVM aamma VSB-mik il.il. kingusinnerusukkut qinnuteqartoqassappat tusarniaatitut nassiunneqassasut.

Makkuninnga suliaqarnissamut akuersissummik qinnuteqaatit; akilersinnaassutsimut misissuineq, VVM aamma VSB-mik misissuinessamut suliaqarnissaq susassaqartunut makkuninnga tusarniaatitut nassiunneqassappat; DMU – Danmarks Miljøundersøgelser (nu DCE), Pinngortitaleriffik, Nunami Namminermi Tunngasunut Naalakkersuisoqarfik, Pinngortitaq aamma Avatangiisit (NNPAN), Aalisarnermut, Piniarnermut Nunalerinermullu Naalakkersuisoqarfik (APNN), Peqqissutsimut Naalakkersuisoqarfik (PN), Nunatta Katersugaasivia Allagaateqarfialu (NKA) aamma Kommune Kujalleq.

Apeqquut 5.

Apeqquut 4-mut akissut itigartitsissutaappat: Sooq taamaattoqanngilaq, aamma taama tusarniaasoqarnissaa naatsorsuutigineqarpa, tusarniaaffigineqartussanullu kikkut ilanngunneqassappat?

Akissuteqaat

Aatsitassanut inatsimmi § 73-imi aalajangersakkat malillugit piiiaanissamut akuersissummik qinnuteqaammik akuerineqassagaanni, pisinnaatitsissummik pigisaqartup VVM-imik misissuineramik suliarinnissimanissaa piumasaqaataavoq, tamatumunngalu nassiuat Naalakkersuisunit akuerineqarsimassalluni. Aatsitassaq pinngoqqaatinik radiop qinngorneranik akulinnik akoqarpat VVM-imik misissuinerami makku immikkut pingaartinneqassappat; piiaanermi periutsitigut eqqarsaatigisassat, avatangiisitigut kiisalu isumannaallisaanermi peqqissutsikkullu eqqarsaatigisassat pinngoqqaatinik radiop qinngorneranik akulinnut atatillugu.

VVM-imik suliarinninnermut ilanngullugu pingaaruteqarluinnarpoq, VVM-imik misissuinessamik suliaqarnissamut pisussaaffilerneqartoq tamanik tamatigoortumik tusarniaanermik aammattaaq isumaginnissasoq.

Nittartakkami <http://www.bmp.gl/fokusbokse-og-publikationsbokse/fokusboks1> aatsitassarsiornermik sammisaqartut pillugit paasiniaaffissat nassaarisinnaavatit, VVM-imik suliaqariaaseq, pisortanik isumasiuisarneq kiisalu tusarniaanerit il.il. qanoq ingerlanneqartarnersut erseqqinnerusumik atuarsinnaallugit.

Inussiarnersumik inuulluaqqusillunga
Inuussutissarsiornermut Aatsitassanullu Naalakkersuisoq



Ove Karl Berthelsen